

# Rinforzar la famiglia cun supplements senza taglia

La pcd e la pps s'engaschan da cuminanza persuerter

■ (cp) Ils 8 da mars 2015 ha il pievel svizzer da votar davart l'iniziativa da la pcd per «Sustegnair la famiglia tras nagina taglia sin supplements per uffants e supplements da scolaziun». Quella iniziativa vegn sustegnida da cuminanza tras la Partida cristiandemocratica (pcd) e la Partida populara svizra (pps) er en il Grischun. Tar ina orientaziun da las medias a Cuir han represchentants d'omaduas partidas declerà lur posiziun ed opiniun en chausa. Per la pcd han fatg quai: il president da la partida chantunala cuss. dals chantuns *Stefan Engler* e *Corina Caluori* da la giuvna pcd e suppleanta dal cussegl grond – per la pps è quai succedì tras ses parsura chantunal cuss. naz. *Heinz Brand* e *Stefanie Bruder*, suprastanta da la giuvna pps.

## La famiglia profitass fitg

Da quella iniziativa profiteschon famiglias cun uffants e giuvenils en scolaziun. En tut èn quai en Svizra in milliun chasadas. Levgiadas vegnan oravant tut las famiglias. La gronda maioritad da quelas basegna oz duas entradas per pudair subsister. Be 6% da tuts uffants vivan en famiglias cun autas entradas. 73% da tuts uffants derivan dentant da famiglias cun



La pcd e la pps battan da cuminanza per distgargiar las famiglias. Da san. *Corina Caluori* (pcd giuvna), cusseglier dals chantuns *Stefan Engler* (pcd), cusseglier naziunal *Heinz Brand* (pps) e *Stephanie Bruderer* (pps giuvna).

FOTO O. ITEM

in'entrada per la taglia da sut 100 000 francs. La liberaziun da quels supplements da la taglia augmentass era la capaciad da cumpra da la famiglia. Quai è d'avantatg en temps economicamain difficultus.

Oz survegnan famiglias supplements, fixads dals chantuns. Tals vegnan pajads dals patrums. Avair uffants è bain insatge

grondius, ma els custan bler. Quels supplements vegnan quintads vitiers la taglia uschia ch'ina famiglia vegn en ina pli auta progressiun. Almain 20% da quels supplements returnan puspè en las cassas da confederaziun, chantun e vischnanca. La liberaziun dals supplements da la taglia distgargiass las famiglias, spezialmain quellas cun pitschnas entradas. Tras

ina entrada pli bassa, suttamessa a la taglia, vessan ellas era meglier access a pli bunmartgadas premias.

La mainentrada per chantun e vischnancas en il Grischun – tras liberar ils supplements da la taglia – muntass a 17,6 milliuns. Quai è lunsch sut 1% da las entradas dal chantun tenor preventiv e fiss senz'auter da pudair supportar.